

- nestum, utile, dulce sectatur, o Arjuna, cum ambitione, fructuum cupidus: ea constantia, Prithae fili, est impetuosa.
35. Qua veterum, pavorem, sollicitudinem, moerorem, vecordiam non excutit insipiens: ea constantia, Prithae fili, est
36. caliginosa. Voluptatem vero nunc triplicem audi ex me, Bharatidarum princeps. Ubi quis consuetudine delectatur,
37. atque ad molestiae finem pervenit; quidquid, circa marginem veneni instar, in fundo nectaris est simile: ea voluptas essentialis declaratur, e mentis ipsius serenitate nata.
38. Quidquid propter copulationem sensuum cum rebus sibi subiectis circa marginem nectaris est simile, in fundo veneni
39. instar: ea voluptas impetuosa memoratur. Quae circa marginem et in consequentibus voluptas delusio est animi, veterum, inertiam, temeritatem augens, ea caliginosa nuncu-
40. patur. Non ullum exstat sive in terris, sive, altera ex parte, in coelo et inter Divos ens, quod immune sit naturalium harum trium qualitatum. Brachmanorum, militum, opificum servorumque, o hostium vexator, munera distributa sunt secundum qualitates e cuiusque indole nascentes.
42. Tranquillitas, continentia, puritas, patientia, nec non rectitudo, scientia universalis et peculiaris, fides rebus divinis habita: *haec sunt* Brachmanorum munera, ex ipsorum indole
43. nata. Virtus bellica, splendor, constantia, habilitas, statio in proeliis intrepida, liberalitas et imperatoria dignitas: *haec sunt* militum munera, ex ipsorum indole nata. Agricultura, armentorum cura, mercatura: *haec sunt* opificum munera, ex ipsorum indole nata. Ministeriale munus quoque
45. servi est *proprium*, ex ipsius indole natum. Suo qualicumque munere contentus consummationem impetrat homo. Suo munere contentus quomodo consummationem nanciscatur,